



UKA 2022/32

13/10-2022

Jens-Frederik Nielsen

**Kujataata Kommuneani kangerlunni savaateqarfefqarfigineqartuni nattoralinnik kisitsisoqarnissaannik
kisitsinermilu susassaqartut akuutinnejarnissaannik Naalakkersuisut peqquneqarnissaannik Inatsisartut
aalajangiiffigisassaattut siunnersuut.**

(Inatsisartunut ilaasortaq Mariane Paviaisen, Inuit Ataqatigiet)

(Siullermeerneqarnera)

Qujanaq Inatsisartunut ilaasortamut Mariane Paviaisen-imut siunnersuuteqarneranut.

Demokraatit isumaqatigaat, ajornartorsiutaassasoq nattorallit amerlassusaat ima annertutigilersimappat, toqqaannartumik savaateqarfefqarfigineqartuni ajoqtaalersimalluni. Savaaraq annaaneqartoq isertitassaraluanik annaasaqaataavoq, tamannalu savaatilimmut uggornartuulluni.

Apeqquataavorli ilumut IA-p uani allaaserineratut ajornartorsiutaatiginersoq. Piviusut takulaariartigit.

Peqatigiiffiup Timmiaq ajornartorsut misissorsimavaa Kujataanilu misissuisimanerit innersuussutigalugit, ersarissumik takutitsisut, savaaqqat nattorallit nerisaanni suunngitsut. Nattorallit aalisakkanik silunillu nerisaqarneruvoq. Taamaattumik eqqarsarluuarqaartariaqarpugut nattoralinnik kisitsinissamut misissuinernut annertuunut aningasanik atuinnginnitsinni.

Tamanna tunngavigalugu siunnersuutigaarput, Aalisarnermut- Piniarnermut Nunalerinermullu ataatsimiititaliap siunnersuutip oqluuserineqarneranut atasumik Timmiaq Savaatillillu Peqatigiiffiat atassuteqarfefqisagaat paasiniarlugu, qanoq annertutigisumik tamanna ajornartorsiutaanersoq, ilanngukkusaallu paasiniarlugu, qanoq ilioraanni pitsaanerunersoq.

Tassunga atatillugu Naalakkersuisut allannguutissatut siunnersuutaat soqtiginartutut isigaarput, ajornartorsiutip annertussusaanik misissuinerussammat siammasinnerusumik isiginneriaaseqarluni.

Siunnersuut taamatut oqaaseqaatitalerlugu Aalisarnermut-, Piniarnermut Nunalerinermullu ataatsimiititaliami oqluuusereqqitassanngorlugu innersuunneqarpoq.